



Inatsisartunut ilaasortaq  
Jens Napātôk´  
Partii Naleraq

**Tunumi ilaqtariit højskoleqalersinnaanerannut tunngasumik § 37  
naapertorlugu apeqqummut nr. 267-2019-imut akissut**

06-08-2019  
Sags nr. 2019 - 17147  
Akt. id. 11260424

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: iian@nanoq.gl  
www.naalakkersuisut.gl


Asasara Jens Napātôk´  
Qujanaq apeqqutinnut.

**1. Naalakkersuisut Kangiani Ilaqtariit Højskoleqalersinnaanerat  
anguniarlugu pilersaaruteqarpat?**

2019-imi upernaakkut ataatsimiinnermi Inatsisartut Naalakkersuisut peqquaat danskit naalagaaffiannut mæeqqanut inuusuttunullu suliaasaqarfiup kivinneqarnissaa pillugu ikioqqullutik saaffiginnissasut (immikkoortoq 229). Tamanna tunngavigalugu Naalakkersuisut Kommuneqarfik Sermersooq Tunumilu innuttaasut oqaloqatigaat. Oqaloqatigiinnermi innuttaasut suliniutissanut kissaataasa tusaaniarnissaat Naalakkersuisut assut pingaartissimavaat. Kissaatit arlaqartut ilagaat ilaqtariinnut højskole. Kommuneqarfik Sermersuumik kiisalu danskit naalakkersuisuinik oqaloqateqarnermi kissaatit tamarmik ilaatinneqarput. Taamaattumik Tunumi ilaqtariinnut højskolemik pilersitsisoqarnissaa pillugu maannakkut Naalakkersuisut pilersaaruteqanngillat.

**2. Ilaqtariit Højskolianik pilersitsisoqassagalarpat qanoq tamanna  
inuiatigiinnut naleqassagalarpa?**

Ilaqtariit højskolianik pilersitsinermi inuiatigiinnut tamanna qanoq akeqassanersoq pillugu naatsorsuisoqarsimangilaq. Kommunimik danskillu naalakkersuisuinik oqaloqateqarnermi isumaqarfigineqarpat ilaqtariinnut højskolemik pilersitsinissaq pillugu suliaqartoqalissasoq, taava aalajangiinissamut tunngaviit ilaattut taamatut naatsorsuineq suliarineqarumaarpoq.

Inussiarnersumik inuulluaqqusillunga  
  
Martha Abelsen